

THRU THE BIBLE MINISTRIES**BROADCAST SCRIPT****Programme ID: n°0074****Language: Baoule****Book (livre): Matie N° 4 :2- 4 :21****Nde tre nnan (4)****I mma 2-4**

Enun kunngun, e ti ke nyanman nga be fa tra jue n sa'n. Se o cuen ko i nyrun o ce lele san o kpe, kannze o cennin o, san o kpe. Ke ble wie ju e koa tole nyanman be saci so. Wie'm be kpe, wie'm be bu koa tofue i sanun, n bobo n'yoli so wie, ke ngale sa'n, ble nga be samin be nian'n, se o su tinsu dan'n, kpekuun man to nun. Se o ti ke n kwla ko wua sika kan kpa'n wla min posu nun, o su yo-man min like fi. Sannge se o ti sika kaka ke milion'm be sa'n, i nyrun jranle o'a yo kekle.

I so'n ti ye be bu nyandra se ke, o **le sran kun nin i wua nin-on**. Se nan sika nun, o kwla yo like ufle, sannge o le sran kun nin i faka-faka lika bo le i-o.

I so'n ti ye, o nin fata ke e nyan Defue nin-on. Akunndan nun Jesus ti-man ke e sa, afin i lie o ti koa nyanman kun bo kpe-man, kannze be cuen i se o, o su kpe-man le. Anuannze ufle nun be ken i wun nde ke:

¹²Afin ke be ko kaci Nyanmien nyrun jranle i wafa'n, san be kaci mmla'n kusu.
(EBRE7v26)

Nte kanngan Matie ndetre nnan :

² O *kpele sre nun kongue nin wia'n nun cen ba ablanan, I sin awe kunnin i.

³Lakafue'n beli i wun le, o seli i ke: «Se o waan a ti Nyanmien Wa sakpa'n, se

yebuε nga mun man be kaci alie.»⁴Sanngε Jεsus seli i kε, be kleli i kε: «Nán alie kunngba ye ɔ man sran nguan-an, sanngε ndε kwlaa ng'ɔ fin Nyanmien nuan fite'n, i ye ɔ man sran nguan-an.»(Matie 4v2-4)

Wafa nga Anannganman Sali Izraël mma mun be ainyie i aawle flennen nun lo'n afue ablannan'n, ɔ yoli i kunngba i Krist su cen ba ablannan wie. Sre nun kpele tennden so'n yoli atre sanngε annde sasifue'm be wan i so'n kwla yo.

Be fluwa, nga be kle ninngε nga be kundε be i be nun, afue akpi blu nin ngluan afue ableso nin nyon nun (1972) i zanvie annglo i cen ba blu su, be kennin sre nun kpele kaka wun ndε, bo fe i cen ba ablaon nin nnun (25) lele fa ju cen ba ya nyon ablanan nin ngluan.(249 j)

Min lie, m'cili nglemun so'n kan nniannin; cen kun. Ke cen ba kun sinnin n toli kukpace ke alua sa. Nti kpukeli min, ye min aya'm be boli kpole. N kwla yo-man wie . Sanngε, cen ba ablanan'n be yo ɔ yo ye.

Nyanmien ndε fluwa nun, ablannan ɔ le bo, be fa sunnzunnin sa nianle. Oman kpofue ɔ ba ɔ wun. Oti cinjin ke, a si ke nyanmien ye ɔ yili i-ɔ, wie nun ɔ ti wawe, sanngε sran kun-on, ye nan ke anngban wie ye ɔ'a fu ɔ nun ɔ. Aawle flennen nun lo, ɔ'a se-man ke Jεsus ti-man Nyanmien wa, sanngε ɔ kundε ke ɔ se i nian se ɔ kwla yi i wun nglo ke ɔ ti Nyanmien sakpa o, nan ɔ kwla nyan like ufle bo ti kpa tra nga bo i sin waan ɔ yo men-i ni-o.

Sa nianle, ɔ ti akunndan ufle su fale bo fi-man Nyanmien bo yo e wunnen i kpa sanngε ɔ kun e kla'n. Wa'n kpofue wunmen i konvi bo ti men nun ninngε'm be kundele, ngo ti te, nin ngo ti kpa o, Satan se-man Jεsus ke ɔ yo like wie bo ti-man kpa, nan ɔ fon Nyanmien mmla i wun-on. Kusu, ɔ ti-man sate ke e di like nan wunnen nyan wunmien, sanngε wafa nga e fa kundε alie so ye ɔ kwla yo sate-ɔ. Oman, ɔ su wlawla Jεsus nan ɔ kpe kpaun ba nin i timi ngo o i nun.

Min lie, ɔ ti ke se ɔ yo i so, nin ɔ'a wua kpaun'n kpaun sua kun nun. Nan ke awue kun ye ti ye, ɔ nin fata ke e ko wua, nan e fon Nyanmien mmla nin-on. Afin be kleli ke, **nan wua.**

Jésus wun like nga kpofue waan ɔ yo'n, i bo, ye ɔ'a kplin-man su ke ɔ kaci ke atre yifue'm sa, bo be fa be tinmin fa ya be asamian be wuan. E nyrun lo, ɔ'a yi atre yo nan kpaun ɔ'a son, sanngɛ i so lie nin yole fata afin awe kun sran nun. Jésus i su tele ngo fa teli kpofue su, ɔ yi i wun ase kanle i si wun, i nglo ye i nyin yi jajale ngo jajali mennin i.

I mma 5-7

Nte su i su :

*⁵Mmusu'm bé si Satan fe i ɔli Nyanmien kl'n su lo, ɔ fe i sieli Nyanmien i sua'n su, ɔ seli i ke : ⁶«Se ɔ waan a ti Nyanmien Wa sakpa'n, tu kpen asie wun lo, afin be kleli i ke : O se i *anz'm be ke be so wo nun, ke ɔ yo nan ɔ ja ɔ'a kpla-man yebue wie'n ti.» ⁷Jésus kusu seli i ke : «Be kleli i kusu ke : «Nán kunnde ɔ Min Nyanmien i nuan.» (Matie 4v5-7)*

Kpofue ɔ su Jésus bo ke ɔ fon i si Nyanmien wun, i waan ɔ yo ke Nyanmien ye ɔ di jun-man men i sa, ke Izrael nvle ble nga be dili afue ablannan aawle flennen nun lo, bo be feli, be ontɔnni nan Nyanmien nian be lika sa.

Satan wan, ɔ su Krist bo nan ɔ sa Nyanmien nian, se ɔ ya i kasie'm be nuan le o. Se ɔ yili atre so le, nin Jésus ɔ'a yi i nglo a kle Izrael nvle ke i ye ɔ ti David i kacifue nin-on. Wa'n, Jésus i sanianle nun, kpofue jrannin be wun tule su, wie nun ke : **amun wa wuin sa, n wa yo sa kaka kle amun nan amun si'n ke min-on.** Satan si'n Nyanmien nde i junman fa dile kpa, sanngɛ ɔ kpe i wun kan nga Nyanmien nde ɔ'a kan-man ye ɔ kan.

ɔ jrannin jue'm be nun nde kun su :¹²*Be sua wo bé sa su, ke ɔ yo nan ɔ ja ɔ'a kpla-man yebue wie'n ti. ¹³Se a fu asomli wie annze onda wie su'n, like fi su*

yo-man w. Sɛ a tia nnɛn wɛɛfue wie annzɛ wuo wie su'n, like fi su yo-man w.
(Psaume 91v12-13).

Ndɛ sɔ ti sran bɔ su kunnɛ fiawɛ Anannganman nun i ndɛ. Ngo su i su ekun yeɛ kɛ, kpɔfue ɔ'a kwla bo-man I mma ngo su i su, afin, ɔ kan kwlaɛ nga e lɛ i e kpɔfue mun be su i ndɛ, ye ɔ si'n kɛ i tinmin wa tɔ.

N tili sran wie'm be nuan nun kɛ e kwla fa Nyanmien ndɛ kan ndɛ kwlaa nga e klo kɛ e kan, ye nga Satan yoli ye ɔ o lɛ-ɔ.

Ngo ti kekɛ'n, nan Nyanmien ndɛ'n ni-ɔn, sannge i nun yiyilɛ nga e yiyi ye ɔ ti kekɛ nin-ɔn. ɔ nin fata-man kɛ e jran su fa suan akunndan tɛtɛ'm be bo.

Satan yili ndɛ sɔ i bo tule nanwɛ nun fiteli, kpɛkuun ɔ blili ɔli ngblɛ su. Nan Jɛsus wa tɛ i su kɛ : **Nan sa ɔ Min Nyanmien** i bo yeɛ kɛ, a su mian-man Nyanmien kɛ ɔ yo ɔ klun sa. Afin sɛ ɔ yo sɔ, nin ɔ ti kɛ, wɔ ye asie i-ɔ.

I kusu'n, i sɔ like ye Izraelfue'm be yoli aawɛ flennen nun lɔ, kɛ be se kɛ eiin annzɛ cɛcɛ, Nyanmien kpa'n wo e afien sakpa ?Kɛ be yo i sɔ lɛ'n nin be su mian Nyanmien kɛ ɔ yo like kun man be. Be bu kɛ, be kwla mian Nyanmien kɛ ɔ yo be klun klo sa'n man be, be nyin kekɛ sɔ man'n Nyanmien buli be fɔ kpɛ kaka kpa.

I mma 8-10

Ntɛ su ndɛ i kannganɛ su :

*⁸Mmusu'm bɛ si Satan fɛ i ekun ɔli oka fleiin kpa kun su, ɔ fa mɛn'n i famien diwɛ'n kwlaa nin i nun ninngɛ b'ɔ ba be nyrunnyan'n kleli i, ɔ seli i kɛ : ⁹«Sɛ a koto m bo a manman min'n, n fa ninngɛ kwlaa man w.»¹⁰Ye Jɛsus seli i kɛ : «Satan, jaso lɛ ! Afin be kleli i kɛ : «Koto ɔ Min Nyanmien'n i bo, ye su i kunnɔba cɛ.» » **(Matie 4v8-10)***

Sɛ satan ti ngblɛfue'm be si'n bɔbɔ, sannge kɛ ɔ se kɛ, mɛn nga i famien diwɛ o i sa nun'n, ɔ ti nanwɛ. Jɛsus bɔbɔ flɛ i kpɛ nsan, mɛn'n i famien ba : *Sien'n, ɔ'a ju mɛn nga nunfue'm be *jɛ difue'n i ja su fa kɔlɛ, sien'n, be wa kan sran ng'ɔ sie mɛn nga'n i bo. **(Zan 12v31)** ;*

Min nin amun e su ijo-man kpanngban kun, afin sran ng'ɔ sie mɛn nga'n, ɔ su ba. Okwla yo-man n like fi mɛnmlɛn, (Zan14v30).

Ɔ kle be jɛ dile'n i bo, afin Nyanmien a bu sran ng'ɔ sie mɛn nga'n i fo. (Zan16v11) .

Ye akoto Zan seli ke mɛn wunmuan o kpɔfue i tinmin bo:E si ke e ti Nyanmien lie ye Klunwifue'n sie mɛn wunmuan'n. (1Zan5v19).

I sɔ'n kle ke, i ye man tɛ ɔ'a yo dan asie su wa nin-on.

Sa'n nianle nsan su'n, ɔ ti kekle tra nnyon klikli mun afin nga lie i nyanman cennin. Satan waan ɔ fa like nga nyanmien boli be kasie ke ɔ fa men i, ɔ fa men i asie su'n wa, ye ɔ su sinman afe nun, nan ɔ'a nyin i, i bobo satan sa'n nun. Lakafue, fa sie Jɛsus nyrun ke, ɔ men i tinmin nin anyrunyan sanngɛ ɔ kaci i sin'n si nanwle Nyanmien.

Ke Izrael i sanianle lie yoli sa, sanngɛ be toli aawle flennen nun lo, sika okwle bua ba nyrun. Satan fali e nyin su konvi nin like nyanle konvi fa sieli krist nyrun. Ɔ fali men i anyrunyan kleli Jɛsus nan i nyin ka su'n, sanngɛ e Min Jɛsus teli su ke, ngo ti klewa mmla fluwa bo ti Moiz fluwa ngo kleli i nnun su'n i nun, i su ye ɔ di-
ɔ .

Ɔ man Jɛsus su bo like klele ngo fata ke ɔ kle klo sran'm be kwlaa be su : Amun nyin yi Anannganman amun Nyanmien'n, amun su i. Se amun ta nda'n, amun fe i dunman'n ye amun fa ta-a. (Mmla 6v13)

Okwla yo su, ke wo nin min, cen kun e nin kpɔfue i ja nunfue e kwla ya nun, ɔ kla yo wawe tɛ kun sanngɛ e nin kpɔfue bobo e su ya-man nun le, man e si sɔ.

E su ju-men lika fi, afin satan wo famien sua nun, nin nvle su kpen be sua'm be nun, ɔ nin junman diwle dandan mun be nun. I ye ɔ tinngɛ awa sran mun-on, ɔ le kwlae awa sran'm be su. I ye ɔ ti asonun fanun fanun nga be o men nun'n, i ba kpele su kpenngben-on. I kanngan o, i dandan o, ɔ nin men nun akunndan tɛ nga

fluwa sifue be ken i ke Nyanmien nun-manle, bo be lafi-man su ke Nyanmien i ye man be trannin le-o.

I ye o tinnge be anyia mun i bobole lele fa ju i awielie-o. I so'n ti ye e men i nyrun kole o'a yo kekle nin-on, onin ale kunle, nin awe, nin tete sa'n mun, be ju nin-on.

I so ninngge mun be ce, ye be fu lele ju men i ti nun, ke cen kun ju bo aosin'n i famien bobo, o yi i wun nglo ke Krist i kpofue o'a ba men nun, Nan ke i bobo ye o yi wun nglo o, sannge i janunfue ye o ba. Sannge Nyanmien bo ye o man ale kunle i atin'n, bo i kwlafe le-amn wunsu'n, men nun nvle nvle be afien, i ye o ti ninngge kwlaa be ti'n nin-on, be siefue nin-on, kwlafue Nyanmien, nin tinminfue Nyanmien ni-on..

I mma 11

Jésus i sa nianle gue i bo nin nde nga mun be su'n : *Ye mmusu'm bé si Satan yacili i nun-on, nan anz'm b'a be i sule. (Matie 4v11)*

I klikli su'n, ke be yoli Jésus batem, o feli i wun wleli i Nyanmien junman nun sran'm be kwlaa be nyrun le. I nyon su'n, sa nianle man e wunnin ke sate nun-men i nun. Oman sien'n, i nzranun juman o'a ko i nyrun, ye o su Zan batem yofue i lie su, afin o nin fata ke Zan bla nan o'a kan anuannze laa nin anuannze ufle bo nun. Zan ye o'a tali Nyanmien i blin tranle i nuan-o, ke afue ya nnan sinnin. O fleli Izrael nvle ke be sa be sin Nyanmien wun, ye, o yili te kokole i cinjin bo ti i nglo i nyanmien nde kanle nun. Afin jole dile dan kun su ba be nyrun lo afue ableso ble lie nun. Zan batem yofue fe i wun kle ke o ti Nyanmien nuan ijofue kasien bo ta anuannze laa i bo, o nin sran nga, i dan tre i nyrun mua dinfue (Jésus).

Wafa ke nga sa ye Jésus yili i wun nglo-o, o yoli i wun batem, o yali nde nga be kleli be nuan. I lie, i nzue nun wale n ti ke Izrael a kpe jenvie okloe, ble nga be wanndi kan'ga dile Ezipt lo sa. Be bo tule so'n, sa nianle kaka su li i su, Nyanmien Sali be niannin aawle nun lo. Jésus kusu, lie yoli so wie, Jésus kunnin wawe nun

alɛ sanianɛ tre nsan'm be su, afin ɔ nin fata kɛ o fa anyiɛ man Nyanmien ye ɔ jran kekle kpɔfue i nyrun, kɛ nga Adam nin Izraɛl nvle be fɔnnin lɛ. Ɔ yoli cinjin, kɛ ɔ ko yo nan, i bɔ ti Nyanmien i sufue kpa'n, ɔ'a kwla jran Nyanmien nyrun Izraɛl nin mɛn wunmuan i ajalɛ nun n ti.

Vesré 12-16

Nte su i sun in kannganɛ:

*12*Kɛ Jɛsus tili kɛ b'a wla Zan bisua'n, ɔ ɔli Galile mɛn'n nun.¹³Ɔ tuli Nazaret, ɔ wa trannin Kapernaom b'ɔ o fɛtɛ'n nuan lɛ Zabiln mɛn'n nin Nɛftali mɛn'n be akpasua'n su ,¹⁴nan *Nyanmien nuan ijɔfue Ezai i ndɛ'n ɔ kpɛn su, ɔ seli kɛ: ¹⁵ « Zabiln mɛn'n nin Nɛftali mɛn'n, be o Galile b'ɔ ti be nga be ti-man Zuif'n be mɛn'n nun. Be mantan fɛtɛ'n b'ɔ o Zurɛn'n i sin b'n. ¹⁶Be nun sran nga be tran aosin nun'n, be wunnin kɛ lika'n kpaja dan kpa, ye be nga be tran wie'n i mɛn tuun'n nun'n, lika'n kpajali be su.»(**Matie 4v12-16**)

Jɛsus i sanianɛ nin i Zerizalɛm klo su jasolɛ nin mɛn i nglo lo kolɛ, ɔ dili afue kun. Matie, Lik, nin Mark ba kan-man i ju-man afue kun ngɔ dili i Zide i ndɛ, sanngɛ Zan ye ɔ yiyili nu-ɔn. E wunnin ekun kɛ, jasin fɛ bofue'm ba kleman i wun ndɛ weiin ɔ'a su-mɛn i su, sanngɛ be waan be su fa e Min Jɛsus kle sran mun. I jasinfe fluwa nun'n, Lik yili i nglo kɛ, Jɛsus jasoli Nazaret, ɔ jasoli i awuliɛ klo su, afin i su sran'm ba sɔ-man i Nyanmien ndɛ nun, sanngɛ be yoli i finfin.

Kɛ ɔ nian, Kapernaom ti takawɛ kpa bɔ man, ɔ kwla kan nyanmien ndɛ lo, ɔ ti klo kun bɔ o jenvie nuan, bɔbɔ sran'm be ko su dan, ɔ o Galile jenvie i bue kun lɛ'n, ye i cinjin tra Nazaret klo, afin ɔ o atin dan nga be fa su ko di wua i nuanɛ, ɔ ko Palestine i nglo lo lele ju nvle-nvle nga be mantan be lɛ'm be su.

Ɔ man Jɛsus ɔ'a fali Kapernaom fa yo i klo kpa lele i asiɛ su wa ju-man fa wie, ye ɔ wlu Zerizalɛm klo nun lo nan ba bobo i waka nda su.

Matie yili i nglo ke, Jésus i klo so su tranle o ya kasie kun nuan, kasie so wo Ezai fluwa nun, **o kan ke Palestine nglo b o'a nyan kpajale dan, ye be aosin o'a tu.** Galilefue'm bobo, Zuif nga be o Zide lo be klo-man be sa, afin be se ke Galilefue be ti-man saun.

Amun si'n ke, nvle so i bue lie su lo'n, Zuif sran'm be sanngannin amuen ufle wie'm be nun. Paenfue kaka be a sanngannin be nga be ti Zuif be nun le, o ti lika kun bo o ti-man sran kpa mun be tranwle. Afue ya nso ka nanJésus a ba, Ezai dunmua kannin. I waan :**lika nga b Zuif kbnglo be bu ke o ti fien, b ye o'a yo Messi i juman i bo takawle lika nin-on.** Jésus yili atre kaka lo, sanngé klo su sran kaka ba lafi men i su, i so'n ti nan, ka nan i ju-man o'a wie, o'a buli Kapenauon klo i fo te kpa.

I mma 17

Nte su i su nin kannganle :

Ke o fin le'n, Jésus boli Nyanmien nde'n kanle'n bo, o se ke : «An kaci amun nzuen'n, afin Nyanmien i siele ble'n o'a mantan.» (Matie 4v17)

Jésus i jasin fe o flan Zan batem yofue i lie nun, o bo jasin ke Nyanmien nuan ijofue nga be o anuannze laa nun be lie n sa'n. O kan ke Nyanmien i kasie nga taka Messi i famien diwle asie su wa i ble o mantan. Famien diwle so o le, afin i famien bobo yele Jésus, i jusu o asie su wa. Wie nun e kwla se ke Jésus Krist i asonun o i famien nvle nun wie, o ti cé bo o anuannze laa nin kasien be nuan yale be afien, ke Krist i bale nyon su ju, o'a ba ke men i siefue sa'n. O man, nglo lo famien diwle o taka asie su wa titi, mandiman.

I mma 18-20

Nte su i su nin kannganle :

¹⁸Ke sin Galile feten nuan le'n, o wunnin Simon bo be fle i ke Pier'n nin Andre. Be sran nnyon'n be ti niaan, ke o wun be'n, wuun be su gua lala feten nun, afin

be ti jue trafue. ¹⁹Jésus seli be ke: «An bla was u n su, n fa amun kaci sran'm be trafue ke jue trafue sa.»²⁰Kpekuun be yacili lala'm be le ye be suli i su-ɔ. (Matie 4v18-20)

Jésus fe i wun kle nvle ke sran bo ti like klefue sa'n, ke be sran nga be o le be sa'n. I so'n sran mun be ya sran mun be wun le be usa ke wan ye o kundɛ ke o su nsu-ɔ ? Sannge Jésus lie'n, i bobo ye o fle sran ngo kpa be mun-on.

I nyon su, Krist i sunnzunle ko mua, nan like klele ngumin-on. O kundɛ ke sran be fa be wun man, be wunnen o, be kla nin o, nin be wawe be men i ke i sonnzonfue'm sa.

I bobo ye o ti i like klele i bo bia nin-on. Se o ti famien be famien sakpa'n, nin se o kpa min, min cenjele nun-on. O ti su ke, nglo lo famien, o usa like ngba ifue'm be sa nun.

Zan jasin fe nun, nan ble lie Jésus o nin i niaan mun o'a ya nun-on, be ti i sonnzonfue, sannge nan klonglo-o, afin be le be juman kan be di. Sien, Jésus su fle be ke be yaki be junman mun, jue trale nan be kaci sran trafue mun. Be kale be fali ainyie be mennin, ba si-man akploa, e nyrun lo Zak nin Zan, be fali Jésus i siele kleli sran mun, ye be kundɛ sonnzonfue nga bo be kwla so Krist nun nan b'a sisi-man be bo. Be junman lie, yele Nyanmien jajale be su nantile onin sran'm be ti dele, ke o nan ba wlu Nyamien i famien diwle i nvle nun.

I mma 21-22

Nte su i kannganle su :

²¹Keoli i nyrun luun'nn, o wunnin sran nnyon ekun bo be kusu be ti niaan. Be yele Zak nin Zan, Zebede i mma mun-on. Ke o wun be'n, wuun be nin be si be o be alie'n nun be su tanndan be lala'm be nun. Jésus fleli be, ²²kpekuun be yacili be sin in alie'n le, ye be suli i su-ɔ. (Matie 4v21-22)

O'a fite nglo weiin ke be nga Jésus fleli be ke be su i su , nan be su famien be famien le'n be ti sran ngben ke e sa.

Be nun, sran kwlaa o nun ke gbogbo nun ninngé mun sa. Wie mun b'a o man suklu, sanngé Nyanmien lie, ka-nan o'a kpa wo'n ,o nian-man o ngwlele, annze o tale nga be tali wo su, sanngé o nian o awlen i siesie wa bo ti', nin o wun siesiele wawe nun i su. Sran kwlaa kwla yo Krist i sonnzonfue, se a klo ke a yo i sonnzonfue, i bobo ye o to i onga i ni-on.